



Na osnovu člana 5. Pravilnika o ocjeni kriterija i načinu raspodjele sredstava sa budžetske pozicije 614244: Transfer za posebne namjene-za sanaciju šteta u poljoprivredi ("Službeni glasnik Grada Srebrenik", broj: 19/25 i dopune Pravilnika, broj: 07-1239-1/25 od 25.12.2025.god.), putem Službe za poduzetništvo, lokalni razvoj i investicije, Gradonačelnik grada Srebrenik, objavljuje:

JAVNI POZIV

sufinansiranje štete od požara na poljoprivrednim objektima u 2025. godini za registrovane poljoprivredne proizvođače upisane u Registar poljoprivrednih gazdinstava i Registar klijenata na području Grada Srebrenika.

I PREDMET JAVNOG POZIVA:

Predmet ovog Javnog poziva je sufinansiranje štete od požara na poljoprivrednim objektima u 2025. godini za registrovane poljoprivredne proizvođače upisane u Registar poljoprivrednih gazdinstava i Registar klijenata na području Grada Srebrenika.

II PRAVO UČEŠĆA:

Pravo učešća u ovom Javnom pozivu imaju registrovani poljoprivredni proizvođači, upisani u Registar poljoprivrednih gazdinstava i Registar klijenata na području Grada Srebrenika kome je utvrđena šteta na objektima od strane Komisije za procjenu štete u 2025. godini.

III POTREBNA DOKUMENTACIJA:

Podnosioci zahtjeva prilažu slijedeću dokumentaciju:

1. Uredno popunjen zahtjev za naknadu štete (Preuzima se na info pultu Gradske uprave),
2. Kopija važeće lične karte podnosioca zahtjeva za nastalu štetu,
3. Dokaz o prebivalištu na području Grada Srebrenik (PBA-3 obrazac-CIPS prijava),
4. Da je klijent prijavio Gradu Srebreniku štetu od požara na objektima u 2025. godini (Zapisnik komisije o nastaloj šteti (Obrazac Š-01 i Š-POM) - pribavlja komisija po službenoj dužnosti),
5. Da je podnosilac zahtjeva upisan u Registar poljoprivrednih gazdinstava i Registar klijenata do momenta prijave štete nadležnom Gradskom organu (pribavlja komisija po službenoj dužnosti iz RPG i RK),
6. Potvrda iz banke o otvorenom tekućem žiro računu (Orginal ili ovjerena kopija- Pribavlja podnosioc zahtjeva).
7. Zapisnik o izvršenom uviđaju izdat od strane Policijske uprave (Orginal ili Ovjerena kopija).





IV IZNOS SUFINANSIRANJA:

Iznos sufinansiranja štete od požara na poljoprivrednim objektima je do 50 % vrijednosti koje je Komisija za štete utvrdila na objektu. Ukoliko bude više pristiglih prijava, a koje prelaze raspoloživa sredstva ovim Javnim pozivom proporcionalno će se umanjiti svim aplikantima, shodno visini vrijednosti pojedinačnog zahtjeva.

V POSTUPAK OBRADE:

Administrativnu obradu zaprimljenih zahtjeva klijenata u skladu sa „Pravilnikom za sufinansiranje štete od požara na poljoprivrednim objektima“, provest će tročlana komisija koju rješenjem imenuje Gradonačelnik.

VI PRIJAVA NA JAVNI POZIV:

Prijave na ovaj Javni poziv, zajedno sa potrebnom dokumentacijom se dostavlja u zatvorenoj koverti na pisarnicu Gradske uprave grada Srebrenik ili putem pošte, na adresu:

-GRAD SREBRENİK-

Služba za poduzetništvo, lokalni razvoj i investicije
ul. Ibrahima Salihovića bb, 75350 Srebrenik,

Sa naznakom: „Prijava na javni poziv za sufinansiranje štete od požara na poljoprivrednim objektima u 2025. godini za registrovane poljoprivredne proizvođače upisane u RPG i RK na području Grada Srebrenika“

Rok za predaju zahtjeva je 15 dana od dana objave Javnog poziva na službenoj web stranici Grada Srebrenik www.srebrenik.ba, oglasnoj ploči Grada Srebrenik i Radio Srebrenik.

Nepotpune i neblagovremene prijave neće se uzeti u razmatranje.

GRADONAČELNIK

Adnan Bjelić

